

四庫全書

集部

欽定四庫全書

集部

欽定千叟寧詩卷十三

侍郎臣劉躍雲覆勘

武英殿纂修原任編修臣吳裕德

欽定四庫全書

欽定千叟宴詩乾隆五十年

卷十三

預宴九十二人詩一百四首

委叅領

綽克托
十年
四八

天高九重穆穆厥容鬱儀豐隆萬彙忻懽

帝壽億禩閔閔厥祉金漿玉醴千筵秩綺物秉于

天翕闡直專其德曰乾闡化之權人泳於

帝元會運世其道曰泰樂光之被羣品欣欣蘊澤涵文

藻采鋪荼敬仰蒼雯

微臣謏謏承

華掖輦榆齒渥腆肅歌鴻典

委叅領

武林布

年八
十三

廣大配

天地容保民無疆以行其典禮利用賓于

王致天下之民冒天下之道恒德之固也八卦以象告

勿疑朋盍簪其出入以度雲上於天需雷出地奮

豫各指其所之修辭立其誠有孚

惠我德

承

天而時行

集易經

委叅領

福

祿

十年八

祥齡慶洽三千叟

嘉會重開五十年

福錫庶民風皞皞

古稀天子日乾乾圖成安羨多人瑞身列蓬壺盡地僊

願以微臣名兩字報

恩申祝九如篇

委叅領

京文十年八

聖皇御世三光明九宇寧人臻樂壽物與長生引年之

典古所有叟以千計史策罕媿衡

熙朝

兩舉宴巍巍蕩蕩久道而化成三千大禮炳蔚曲與經三

千詩歌鏗鬱雅頌聲

盛時符象焜耀有若此醴泉甘露流於庭

臣

齡八十

身依

穆清仰沐

元化俯陶下情笙簧磬筦樂交作里歌一曲拜手賡韶

莖

委叅領

八十五

年七
十一

帝開

乾清宴喬與鏗韶樂既作清樂載賡惟此喬鏗承華
振纓三千其侶于古靡京

帝庸錫之瑤尊

手賜又增錫之盈苞積筭爵齒同榮臣民均被日光月
華照爛天地敬捧

錫賚敬飫醪漿春風和煦春日載陽樂豈之飲樂只之
光萬有千歲

帝澤洋洋

委叅領

佛岱

年六十九

少壯食

帝耨耄老

臣

何能猶然列參佐
燦灼命服膺

皇化成久道
日月占升恒

重熙積禋祉
燭調鼎命凝

聖祖賜宴時
弱冠衣纔勝
吾

皇禮重舉八十歲月增
遂得隨班聯酌醴
飫肴蒸

典鉅史策罕

恩隆海宇昇瞻顏敢言老懽拊歌咸登

姜參領

黑達子

年六十八

錫壽升恒並照

作人雲漢爲章靡測

調元斟化唯知飲德餐香

微臣

敢言黻飾

盛典自有笙簧千叟鱗舒翼次萬方澤泳霄翔

委參領

富廣

年六十七

有華顛酌士暨皓首天民造儒林耆碩合詞蔚前

陳恭惟

聖皇治緯武而經文八荒在堦闥萬國登醲醇同遊極
樂世允萬億千春今逢

錫嘉宴爲世開洪鈞叟聿以千計千復三其倫甘馨實
饜飫

錫賚光玢璘懵不知史策稽首俯自循

鴻恩孰報稱千古復誰鄰耆碩致詞言瑋哉知所詢稽
經諏列史漢唐未足申在周豐鎬頌二帝章韶振

不聞叙千叟

兩舉敷華茵

聖皇溥德澤萬萬古靡臻生當太平時耆耄沾

陶薰兵當肅紀律農當訓耕耘百僚恪乃位列士恭其
身

天恩詎答報

帝澤惟洪淳益躋四海壽環拱吾

皇仁鉅典述炳燦羣情暢歡欣皞皞義皇世無名無能

云問答
體

委叅領
他
那
年
六
十
六

昊天積運萃于

聖朝

帝心宥密丕顯宣昭凝承

靈貺萬國變調曰宇下人齒宿顏韶遂聯華袂言覲紫霄

三千爲羣珮玉聆簫春風萌芽粲頰開茗宴

錫龍光華被綺雕

天禎駢闋

帝賚渥饒惟億萬紀仰北斗杓

委叅領

金

梁

年六十五

聖世需雲樂者年荷寵榮鴻開

仁壽寓歡洽地天情

楓陛羅千叟芝房擢九莖樗材慚拜手欣頌

泰階平

委叅領

寶

明

年六十五

歲華初轉物華新華髮山呼拜

紫宸十二日春開鳳紀三千叟宴慶芳辰憶隨

雲輦臨晴甸夙荷霜戈作候人此日

玉階承宴賞據鞍歸覺倍精神

委叅領

英

阿

年六十四

肆綺席陳瑤觥先期十日春風生祝

聖壽賀元正冀開六葉敷耆英禮秩序樂和鳴慶奉玉

帛聽韶諷抒

帝藻揚

睿情大哉萬古超法程宴

兩舉人千羸茹和食德頌太平隨花甲循由庚唯

天之大無能名

委參領

德

福

年六十三

五福綿金支瑞圖衍籌永歡臚偃佺儔春盎華胥境綺
席泛玉漿瓊筵列金鼎

紫薇尺五近黃髮三千併東風盤獻辛南極弧輝丙酌

酒慶

熙時長此怡暄景

委叅領

齊家保

年六
十三

至道清寧貞合

鴻釐德位時兼大禮式昭光岳新春溥被洪纖齒叙曰

期曰耆

恩深引養引恬拜捧金樽玉杖長欽

日就

雲瞻

委叅領

胡圖克

年六十二

趨

陛記鳴鞘朝正纔放仗壽星此逢辰習習祥颺暢仰

瞻

華綉頒疊荷春膏盎壯日效執爨獲邀

天有貺餘齡得奉卮長祝

壽無量

委叅領

松

保

年六
十一

角亢星躔拱

帝居蹒蹒蓬閣接仙裾
瑞凝芝露饒三秀
歡洽松雲頌九如
亥字書添徵朔合
寅賓奠出報春初

天厨飽飫

恩膏渥億兆
垓慶有餘

委叅領

格靈圖

年六
十一

穆穆符

天運乾乾劭

帝心八埏

敷福澤千席蔚壬林欽奉觥樽湛曾叅羽衛森還從羣

叟後

曼壽祝高深

委叅領

阿克東阿

年六十一

荷戈曾未著微勞奏凱空慚幕府褒一自歸來羸
歲月壯心時看舊弓刀一

臘底春回已浹旬
南弧佳氣協良辰
三千壽考符
洪祚萬歲聲中覲

紫宸二

委叅領

祥

保

十年六

人瑞符泰交貞恒集繁祉
弧曜自南來斗杓恰東
指傳盃湛露中列仗春風裏
策飲憶分麾

恩筵特尚齒祥靄布

彤廷歡聲會

金匱共識人意樂即邀

天顏喜

包衣叅領

富

年

十七

懿古黃帝握化樞其臣大撓制甲子三元遞衍無
終極循環五際有至理爾雅釋天出周公歲陽歲
名特詳紀以枝配幹用紀年六甲由漢太初始我
皇敬授人時先普爲蒼生

錫壽祉新增瑤牒朗珠囊自子至亥甲至癸靈臺時憲

標重輪百二十年週復起三千人喜入燕席六十
歲方預名紙試從書尾問生年一層重疊皆可指
壽考共知天所付養恬實乃

恩靡已

格物豈惟辨塵角壽人均予添馬齒

包衣叅領

德

貴

年六十五

百年三萬六千日一年四時十二月析月各分半
有二十四節析節各三候七十二候森以列大者

天象細物情其中占候多半爲農耕始雨水雨時
行麥秋至禾乃登凍解田事始泉動春氣盈始知
前聖制作有妙理我

皇乃以

天章一一賡古無此體今初見上以含括乾運時行與
物生下以敷布人時東作與西成

作詩豈惟以詩鳴十有二月二十六日立春節距今十
有二日正當立春第二候之期臣如肖翹蠖蟻脈

脈復跂跂出自蓬戶狔

闔闔蟄蟲始振今其時

包衣參領

蘇楞額

年十六

二十有五寶藏之

坤寧久上以鈴

絲綸下以昭信守不矜藍田材不侈交龍紐

作記證今古在德義以剖

聖壽登七旬制文刻瓊玖曰

欽定四庫全書

卷

欽定千叟宴詩

古稀天子曰猶日孜孜

皇天大寶命

聖人情見辭乾以天行健恒以久道成外王而內聖

兩語括其精閱上中下古豐鎬溯軒羲

武功與

文德實乃遠過之詎惟紀

聖壽

萬壽以爲期今日千叟宴豈非古所稀

包衣叅領

永

泰

年六
十三

汝歌

古稀寶我誦

古稀說

聖以宵旰爲頤和

皇之康寧在兢業小康世益仰尊光

大德元惟嚴對越試尋史冊見前代
謨烈豈但六帝超
莠言秕政無芽蘖

年齡直以千叟合

古稀天子古稀說申祝頌代問答

包衣叅領

柏靈阿

年六十一

三老五更

著說重申

作記以彰論定服虔鄭佑義徵孟子文王羣生皆

上所養四代之禮未詳願以今朝燕禮垂爲萬古典章

包衣叅領

住

格

年六十二

紀

恩堂乃在

圓明園之牡丹臺又在萬壑松風

避暑山莊隈

聖齡十二侍

聖祖含飴一笑

天容開堯授之舜舜授禹太王王季文王緒

謨烈萬世光

繼述一家聖直從治定功成時堂構羹墻方

誌慶今日千叟筵前

藻韻疊一先猶憶當日侍

陞髻垂年

步軍副尉

二達塞

年七十四

皇威遠畧被八埏垂裳郅治揮虞絃三辰協律斗應躔

恩逮黃耆華筵開

微臣

肅侍

丹墀陪荷

恩欲報微涓埃昔參勁旅揚戈鋌

廟謨神算出萬全駑駘策奮功牌懸

行圍秋爽風雲迴雁行魚貫七萃來吉日車攻歌雅材
欣預瑤席偕羣仙地天泰合需雲天鴻圖鞏固億
萬年

步軍副尉

那

親

年七
十三

筵開春日捧瑤觴獻歲承

恩樂未央白髮臣僚逢宴衍

彤墀琛寶極梯航材慚貔虎供奔走地接夔龍
許拜颺魚藻鹿茸歌且舞

古稀天子壽無疆

步軍副尉

李廷相

年七十一

末秩隨軍尉餘齡歲月賒條風來

帝闕法酒出

天家愷澤三霄渥新絲兩鬢華春涵

仁壽鏡旭朗吉祥花歸語兒孫喜行歌道路誇所欣衰

朽質扶植類蓬麻

步軍副尉

張才良

年七十一

昊天眷命於皇我

大清

列祖受之我

皇曼壽躋隆平

福及四海深仁樂壽久道而化成春陽愷宴上答

天心

祖烈於赫揚駿聲

鳳牒萬禩已超循蜚粟陸九龍十紀昭庥禎微臣飽德

惟偕鸞鷲之班貔虎之旅擎跽歌

恩榮

步軍副尉

色克圖

年十六

吉旦開華讌熙春仰

壽暉問年頌翠竿拜

賜出彤闈列坐騰歡忭扶攜任醉歸白頭軍尉忝光彩

溢朝衣

步軍副尉

馬士雄

年六十六

彤闈曉闢曙雲開
綠髮青睛次第來
齊祝

一人千萬壽和甘風雨遍埏垓 一

聖德同天闈澤勻
平分四氣藹先春
耆臣耄叟膺康爵

願譜聲詩協鳳鈞 二

步軍副尉

四達子

年六十四

待漏瑤墀謁

至尊雕筵初啟映朝暎耄耆拜舞

天顏喜

錫賚便蕃

帝語溫

開袞萬年輝玉券衍祥

五代藹雲孫綴班蘭錡叨分秩湛露榮霑荷

聖恩

步軍副尉

成

仲

十年六月十四

曉啟五雲

絳闕春翔千隊文鸞珍

頒太府玉府

典重禮官樂官山響和聲效嶽木華寶蔭敷蟠史氏
制詩輯頌雍容衢壤同歡

步軍副尉

賈崇祖

年六十四

聖皇膺寶籙

郵治蒸寰區

昊貺

樂壽洽川嶽呈嘉符

御極五十載壽世疇福敷

優詔宴羣叟臣庶歡聲臚耄耆趨

丹禁珍膳頒中厨禮兼几杖設

恩與金帛俱引年自三王盛典史罕書我

皇迪

前光

溥錫昭鴻模三千耆而艾皤皤歌康衢熙洽洵上瑞陋
彼誇高呼

步軍副尉

佛定住

年六十四

智慧威神蔭大千衆生極樂溥良緣旃檀叢映祥華徧
蒼荀筵開瑞靄連俯繹臣名知戴

佛仰邀

聖澤本同

天八方饜飫醞醐性圓覺光中福壽延

步軍副尉

郭仁泰

年三十六

聖世躋仁壽淳風遍海隅昌期數

典協芳讌沐

恩殊六膳頒

瓊府三漿出

御厨甕開晨露煥囊揭早霞敷鳩羽雕爲杖麟蹄飾作

鏤白

天舒燕衍遍地湧歡娛康宇東西潤耆臣大小俱班虬

看夾仗赤雀自呈符
霽日祥交泰凝雲瑞合需
惟將瞻就意擊壤舞

堯衢

步軍副尉

富爾泰

年六十三

至治昭寰寓春和物象融
三陽開壽讌四海仰

元功

澤被臣民徧

恩頒綺貝豐箕疇衍五福

錫極頌

皇躬

步軍副尉

鄂碩霍

年六十三

我

皇御宇五十春

詔宣千叟開嘉宴月正六日華筵陳早梅送馥迎芳苑

下逮蒲橙上簪紳遠集梯航近郊甸

壽世爰多耄耄臣肆筵授几

雨露徧

仙厨六膳多且珍大官法醞清而醖堂上堂下法曲
新夾陛龍旂擁鸞扇歌容下里與巴人貴重朱提
及宮絹麗眉鶴髮荷

皇仁垓埏協氣蒸燕衍

慶緒茂衍

福嘏純無疆

聖壽

天錫羨

二韻
體

步軍副尉

胡

琨

年六
十三

祥風藹洋溢春氣漸和煦化日何熙熙八方開

壽寓

古稀天子超羲軒

詔下引年尚齒上日耆筵舉蓬萊粲高會三千隨步武

既奏韶清樂亦廣任鞞舞已欣仙液霑衢尊更慶

仙厨頌葦蒲此時黃髮快竒逢如鳳在梧麟在圃朱

草萌慶雲覩醴泉溢甘露滑

穹昊集竒珍列史未足敷

皇仁巍蕩敷錫惟繩

祖小臣幸際康阜期被澤濡毫敬頌

德施普

步軍副尉

隆

昌

年六十一

景運超皇古春風漾九衢百僚咸壽考

天子正都俞下逮兵農徧旁兼象譯俱馮生休養盛河

洛萃疇圖

南苑防禦

蘇

柱

年八
十三

鳳城春曉接蓬萊瑞靄氤氳

壽寓開鶴髮同瞻

三殿日鵷行齊集九成臺

文謨武畧貞元合燕譽龍光典禮該昔日濫榮曾拜
賞于今揆藻愧非才

原任防禦

三官保

年八
十

條風協琯迎韶年春風已占梅花先

彤閣晨開秩高宴躋

廷介壽羅華顛

一人備福福天下化成

壽寓春常延算綜甲子數積萬弧見丙丁祥盈千

古稀天子命千叟長生錄記蓬瀛仙朝多黃髮趨廣殿

野有台背參華筵

微臣

駘質任防尉馳驅圖效心

銘鐫征衣曾記兩接戰文鏗優渥沾

恩駢

臣曾打仗二次得賞銀五十兩

八十馬齒尚葢豆

臣告休得蒙恩食半

俸

得聞廣樂來鈞天茲辰嘉會洵希覲

五福五代堂新顏

司炮章京

姜

燦

年七十六

式宴瑤階

異數榮蓬萊深處萃耆英

小臣

職忝陪龍豹快向周

廬舞太平一

賜酺歡洽拜庭中老健猶堪手拓弓一飶

堯尊添氣色瓊膏入髓散春融

二

司炮章京

佛爾清額

年七
十四

壽寓承

天祐吾

皇闈澤饒笙歌傳

紫禁鸞鶴集丹霄禮向春官肅羹隨上相調小臣叨

賚賞抃舞效衢謠

司炮章京

李

焜

年六
十二

海宇綏豐溥

君王錫羨穰引年開燕飲尚齒序鴈行

軒鏡天同朗

堯樽物共嘗齡從花甲始身到斗辰旁盛事臻成數

深仁積遠慶瑄恒開白玉律正動青陽厨芰膏胥沐階

冀旭正長仰瞻

顏有喜懋典迪

前光

司炮章京

劉應登

十年六

皇威遠奮偃戈鋌奉職慚居虎旅先欣值泰交

全盛世普霑需樂屢豐年多珍不數金光草極樂何殊

大願舫

聖壽無疆還益壽合齡廿萬叟三千

步軍校

丹

巴

十年六
十四

我

皇仁壽綏寰寓邠治登三復咸五歲籥開韶宴耄耆徧

飫

堯樽觀虞舞萬方齊效華封祝

盛典煌煌邁前古微臣叨秩隸期門曾效馳驅仗

神武竊祿榮邀

愷澤優熙春更荷

隆施溥翹首

天顏咫尺臨御雲紉縵輝

丹黼

一生欣蒙綦養

步軍校

王

絢

年八
十三

三朝慶遇昇平韜兵日閑

輿衛

賜燕春啟王正列席螭坳之側同扶鳩杖以行何幸期

門小校獲登

廣殿仙瀛

步軍校

何爾庫

年八
十二

瞳矐佳氣藹

鑾坡舞蹈班中樂奏和鶴髮華簪同拜

賜五雲深處頌聲多一

彎弓跋馬附鷹揚嘗咏騶虞縱獵場願此年年攜
兕爵舞階長晉

紫霞觴二

步軍校

伊

騰

年八十一

詔重耆英會祥光叶宴溫日華舒化寓風澤被期門

景福偕春永

鴻禧錫類繁叨榮還自慶

天上浥堯樽

步軍校

馬芝芳

十年八

鷓鴣晴含三素雲雍容綵仗導勾陳玉鑪香護

龍顏喜金虬班隨鶴髮新花外遲遲送銀箭春臺並坐
霑春醮躍馬曾踰瀚海場鳴鑿今到

蓬萊殿青旂兩度繞邊庭翠葆頻年護禁營自辛橐

弓邀策飲更教扶杖頌

昇平九如天保歌單厚差等百王昔未有堪嗤瑤水謠
歛陳豈羨東都几杖授藩服輸誠古越裳外臣稽
首共稱觴應知

一統車書會萬國昭回日月光

步軍校

閏

達

年七
十八

聖治凝禧日貞符啟泰辰榮河祥籙獻壽曜瑞華新者
彥籌增海長筵氣盜春沾

恩聯舞蹈

臣

職隸勾陳

步軍校

佟澤沛

年七十八

鳳詔頒廷慶協恭首春列宴與榮逢頭銜舊作鈎鈐衛

眉壽新沾

雨露濃烟靄繽紛聯劍佩冠裳躋濟集球共萬方爭獻
長生頌錫壽先瞻自

九重

步軍校

劉

奇

年七十七

身世長依宇太和等閒七十七年過

恩光更較春光早節近雲開雨露多

釣天身到聽雲和入昴遊河未足過七十七年度

春首今年樂事入春多

二首
二韻

步軍校

王

昇

年七
十六

盪盪

慶霄容容紫闥方洋累載從風扶轄仰矚

睿化萬物棣通躋之由庾上下昭融盛哉鏢乎隆我耆

考曰萬之三人輻其輳飲酒樂豈祁祁欣欣洗洗
赳赳瞻之如雲欽申

釐祝盼蠻衍溢內恧無華憇杼悃幅

步軍校

寶山

年七
十六

小臣
逢

聖世歌詠效康衢竊祿憑刀箭酬

恩愧髮膚欣隨人壽考共集地蓬壺醉飽歡無極長懷
雨露濡

步軍校

王永登

年七十六

聖世榮眉壽隆恩及

小臣

欣逢嘉宴

錫正值歲華新的皦梅初放芳菲柳欲春
貌貅曾忝列

鸞鶴許相隣玉管徐聞奏
瑤觴獲飲醇祥風來

上苑瑞雪潤芳津光寵陪黃髮
榮華接

紫宸

熙時方錫福厚澤被無垠

步軍校

張

瑚

年七十五

律應條風放早梅人依元運上春臺周京燕喜宜

張仲竊忝同斟

介壽盃一

長隨駮乘護

龍飛入侍

垂旒一綴衣愧乏功能叨

盛典喜隨鴈鷺拜

彤闈二

步軍校

孫文德

年七十五

喬雲爛爛春載陽階
莫六葉騰輝光鳩扶鶴步怡

且肅人瑞廡集朝

天閭八絃九寓承

恩久飲甘酌醴羅台考惟

天錫祉

帝用敷壽而康兮旨且有元辰稠疊

頒恩綸又預耆筵式燕新臺
樂只陳周雅

國慶綿延億萬春

步軍校

戴起祥

年七
十五

北闕承

恩久南山拜

賜殊鴻行欣在列
鳩杖幸同扶
酒喜傾仙醞
肴看出

御厨普天沾

愷惠拜手盡嵩呼

步軍校

麻色

年七
十五

壽富多男致祝曾萬方欣覩

寶符膺

體天健合時雍化

五世璇源慶日增一

瑤瑤玉佩集

彤墀鶴髮人皆比鳳儀曉和雝雝鳴一一春風初上

萬年枝二

步軍校

賽明阿

年七十四

雲盡春風出絳霄

鳳樓佳氣鬱岩堯

古稀景福逢

熙運嘉會歡聲溢早

朝九館羊珠誇洞府三山鼇首詡虹橋何如渥宴懷
慈惠敷錫殷殷仰

帝堯

步軍校

邱良侯

年七
十四

聖人御極五十載解澤汪洋周海內
惇憲隆規重引年
特啟芳筵普

恩賚駑駘飽秣習

天閑馳驅曾預戎行再稠疊叨霑

雨露濃扶鳩得附千官隊閭闔風宣預

賜酺鷺鷥班引借鳴珮信知蕩蕩本難名萬方惟慶

堯天戴

步軍校

葉潤泰

年七十四

愔愔者廣樂聽之和且平鳳凰從風翔崇阿交相
鳴兆民際

盛化莫不歡有生于斯億萬年皆荷吾

皇情盈朝擴高宴矍鑠者而英臣自顧何人懋矣乃聯

名逢時有小草敢比松柏榮

雨露本無偏雖微亦合并

步軍校

五爾登額

年七
十四

聖心涵造化

錫福慶當陽泰寓耆英萃仙壺淑景長敷筵輝壽曜

賜竿挹

天香蘭綺參戎隊承

恩列拜颺

步軍校

巴里克圖

年七
十三

聖皇御宸極純嘏膺

天保

敷錫大推恩張筵宴羣老

微臣

荷

生成自顧同小草，執殳備戎行。效命播

天討，凱旋仗

威稜，獲賜朱提寶。復欣逢嘉會，拊舞均鳧藻。芟蒲飫珍
厨，鵷班依羽葆。獻頌厘寸忱，共戴

仁恩浩

步軍校

薩

拉

年七
十二

乙帳春初麗寅階，日正升祥光。黃道合瑞氣，紫雲凝
萬古成

嘉會千官得壽稱效功曾後乘受

賞類先登

臣曾得功牌一

虎拜班隨後鳩扶杖足憑

九霄齊抃舞筋力更飛騰

步軍校

何琅

年七十一

玉律初韶青陽載啟日先旂勝宴授觴几葵藿小

草檮欒朽齒春風所風向榮階祀臣職武衛臣身

帝里請祝

聖人

萬年天子

仰戴

隆恩少壯餘春光普照秩筵初空慚一例弓刀伴學向

彤階頌

九如一

瞻

天咸愛近

步軍校

庫

德

年七
十二

堂廉自幸身當羽衛嚴從此更希叨鶴俸爲銜籌向
帝廷添二

步軍校

七十一

年七
十二

介壽開

嘉宴耆年沐

雨膏星輝南極近地接

北辰高肆雅歌三捷銷兵戢六韜
畚耨陳頌禱敢擬和
雲璈

步軍校

金大鳴

年七
十二

綺歲春開六日華筵叟集千班簫韶

虞陞繼作靈憲

軒圖迭頒四紀餉沾

天糈

臣食餉五
十二年

九如福溥人寰微臣歌舞

聖世鵠立森森珮環

步軍校

官保

年七
十一

昌期生長幸如何得與瑶筵鶴髮羅列宿環樞

宸極拱衆流趨海福源多期門獲聽神仙曲羽校欣傳
眉壽歌入昴長庚徵

帝瑞會看五老出游河

步軍校

頓住克

十年七

聞嘉宴敷韶風熙熙泰寓承

旃幪鳳紀巡環協河洛

軒齡億萬呼華嵩春祉撰初吉旭景逢方中璫露布如

醴芝山秀成叢列校職微末尊筭侍

法宮

天威定朔漠羽檄奔走臣曾供龍沙戈壁齋函奏健步
晝夜走風駿銀鏐雪瓊璨拜捧

天賜臨丹楓

臣出兵差十八次因自軍營齋摺至
京馳行七晝夜蒙恩賞齋有加

慶茲

雍穆洽遠徼蕩平

皇路車軌通嘉生遂性物蒙祉燾載所及樂壽同一家

中外聯鷺序

聖人錫福誠龐洪

步軍校

圖們特

十年七

吉月孟陬日在執徐載陳醜讌旨酒樂胥惟此羣
老髮之皤然式蒙

天顧有喜轉轉足足者鳳般般者麟賓連華木匪物之
珍匪物之珍惟人之瑞

化穆重熙慶絃萬嗣醕樓既設衢尊是同誼靡不浹澤
罔不豐莘莘期門職茲宿衛近

帝之光嘉承

寵惠

步軍校

勒生額

十年七

小臣

今年政七十五十二年糜餉日雕戈出塞憶

前番憑仗

天威授師律合圍六六風雲生

臣曾打仗三十六次

八旗勁旅真

罕匹幾人畫像

紫光閣

小校

愧無功足述

臣曾得功牌九

郊臺再見凱歌還

弓矢載橐戈載戢近來食粟少防邊老傍

仙厨餐玉粒金盤露滿

萬年枝小草欣榮亦露濕

步軍校

孔傳曾

年七
十

於穆我

皇受

天之祐重熙累洽欽繩

祖武躋民仁壽德洋恩普階莫應春庭楚扇暑

一

歲紀旃蒙月正初六迺開

壽讌用錫厥福貴分邸第賤逮部屋萬族一家咸臻弗

祿二

弗祿伊何黃髮皤皤飲和食德式舞且歌靈壽之
杖以搯婆娑

龍光下賁樂意孔多三

湛湛甘露被于貞榦煌煌靈芝產于甲觀赫赫我

皇日月昭煥於萬斯年民莫能贊四

步軍校

七達色

十年七

玉律啟青陽
翕習條風轉

敷錫溥壽祺
引年舉

盛典稠疊几
筵張燦爛
穉瑜展耆耄
共邀

恩彤墀許遊衍
小臣年七旬
曾預持矛選
竊祿荷

生成內顧增
慚悞何期綴
鵷行

天厨飫豐腆
願附祝

堯篇依

光獻愚款

步軍校

黃文獻

十年七

溫綽先時降

紫宸莫開六莢報初旬年徵絳縣人惟舊酒醞黃封味

更新六典歌風開上壽九衢霑露樂陽春嵩呼次

第歡聲應檣散偏欣比大椿

步軍校

九

成

十年七

景運際洽熙便蕃

錫恩紀光榮逮庶老魚藻賡燕喜穆穆

大廷開肆筵授之几檮材備執戟年已七十矣長叨
太倉粟黍養犬馬齒五十二年來淪肌還浹髓今

復覲

盛典

天顏臨尺咫

渥賚欣預霑夢寐非所企敬誦天保詩華祝繼前軌

步軍校

邁拉遜

年六十九

射柳仍彎玉靶弓當時幕府記從戎

臣曾出兵阿爾台一次得

受賞銀

精鏐永寶

天恩渥壽筭還沾露醞同共仰

函三開泰宇俯欣吹萬被韶風扶鳩拜手

彤墀上春入酖顏暎日紅

步軍校

恩特賀

年六十九

聖神天子允文武小臣效命慚貔虎身經大小數十戰

老與期羨三千伍紀

恩稠疊

恩更深春風

紫殿厠華簪從今歲月皆

天錫葵藿長懷向日心

步軍校

覺

奈

年十六

左青龍右白虎前朱雀後元武中央天樞運萬古

臣參旂校廿八年羽獵皆在前驅前

臣食俸二十八年隨圍二

十八
長見

天顏久彊固從容閒暇

控轡絃今隨千叟飲醇耐佳氣榮光彌世宙奎壁文章

角亢壽羽林小星

天闕右

步軍校

張廷杰

年六十八

大造公無私陽春乘歲籥

天慈覆中外

德化流廣漠元辰

命行慶

鳳詔頒懿鑠登進三壽朋珍厨甘醴酌忝職依

陞楯許仰麒麟閣拜手瞻

聖人需雲叨宴樂

步軍校

色爾炳阿

年六十八

黃道雲開閭闔綺筵人在蓬萊耆耆欣承

慶典

鴻恩渥沛崇垓

壽寓舉叨厚植小臣竊忝深培

異格特超蒲柳爭榮共樂春臺

步軍校

烏爾青阿

年六十八

矐矐日上五雲中春滿

層城瑞靄濃遙慶萬方傳舞鳳自榮七枝翼

飛龍年依

天壽人常健惠協

皇仁典共逢感戴獨深叨賤旅聯班齊拜

大官供

步軍校
德

祿
十年六
十八

昊緯敷貺惟

聖受釐億萬甲子衍是神著

雍宮泮水蓀祉蘭祺

天家洪慶遠軼軒義番番國老暉吉爲儀瓊筵肆設六

葉莫蕤霞舒文綺露湛仙卮仰被祉福普

示惠慈臣惟列校鴛鴦榮隨

天光下臨洪纖畢施拜稽作頌幸際

昌期

步軍校

七十九

年六十八

訢閭韶景春舒疊人瑞物華高往牒六幕熙熙化
日長四門穆穆和風協臚頌恭逢

國慶駢

湛恩覃被羣驩愜當年

聖武遠折衝堅昆大宛威稜警龍沙萬里勒

天聲鏡歌大樂昭戎捷

微臣

曾縮尺五符抽旋左右短

兵接牌頒幕府受言藏欲並雕弧傳奕葉歸來列

衛承嚴更

盛治南諧還北變替裾

廣殿耆宴開仙裳六葉抽新英鈞韶鳳籟叶啞啞寶

露觥觥咸鬯浹

聖人申錫無算壽松喬上壽蹤堪躡

步軍校

達青阿

年六十七

日麗韶春永風清羽衛閒稱觥隨虎旅扶杖入鷄
班壽共依

仁宇祥瞻霽

聖顏欣惟同效祝萬國仰

南山

步軍校

宜兆鳳

年六
十七

至誠合天德

盛治敷駿厖景慶煥六幕共球聯萬邦瑞符懋圖牒編

紀紛芸江嘉辰宴千叟紳佩諧琤璫壺瀛延壽籙
香海華嚴幢仙佛不足擬純風格愚蠢臣職隸列
校兵蘭司矛鏃鮪顏升

玉砌駕緞依雲杠

溫言賜沾洽醇和酌蘭缸願進華祝語仰叶衢歌腔

步軍校

拜凌阿

年六十七

臣十七歲拜

天恩

臣自十七歲食餉今五十年

半生報稱無可言曾經二十四行

陣

翠罕前驅十往還
牌懸雙總腰金重

臣曾得功牌二
賞銀三十兩

更以列校侍宴登

九閣筵前露斯湛
几上春更溫
弣弓橐矢適以靡廩祿

幸不衰老倬直堪
晨昏祝鳩扶杖非等倫

臣以筋

力答

至尊吾

皇億萬斯年御區寓
臣陪虎旅鷺序長侍

金馬門

步軍校

五達塞

年六十七

瑞協瑤圖淑氣和

堯厨萋莆沛恩波三千合奏長生曲總是星雲燦爛歌

一

燕設傳柑佳節前鷓鴻隊裏序耆年

恩深直是符

蒼昊一氣

洪鈞轉八埏二

步軍校

諾爾泰

年六十七

一色麟衫映日

萬年鳳紀開春瑞啟六丹莫茁祥隨三素雲臻

慶典周敷四海拜

恩再倍千人

聖德備隆穹宇壽官亦詡

微臣

欽定千叟宴詩卷十三